

Y Cyfarfod Llawn

Dyddiad y cyfarfod:
Dydd Mercher, 25 Mehefin 2014

Amser y cyfarfod:
13.30

Cynulliad
Cenedlaethol
Cymru

National
Assembly for
Wales



Agenda

(208)v4

1 Cwestiynau i'r Gweinidog Addysg a Sgiliau (45 munud)

[Gweld y Cwestiynau](#)

2 Cwestiynau i Weinidog yr Economi, Gwyddoniaeth a Thrafnidiaeth (45 munud)

[Gweld y Cwestiynau](#)

Cwestiynau Brys

Cwestiwn Brys 1

Aled Roberts (Gogledd Cymru): A wnaiff y Gweinidog ddatganiad ar y newyddion bod 'Statws Dibynadwy lawn fel Noddwr' Prifysgol Glyndŵr wedi cael ei dynnu yn ôl?
EAQ(4)0451(ESK)

Cwestiwn Brys 2

Darren Millar (Gorllewin Clwyd): A wnaiff y Gweinidog ddatganiad ar y gostyngiad blwyddyn ar flwyddyn o 8.4% ym mherfformiad Gwasanaeth Ambiwlans Cymru o ran ymateb i alwadau categori A? EAQ(4)0459(HSS)

3 Dadl y Ceidwadwyr Cymreig (60 munud)
NDM5534 Paul Davies (Preseli Sir Benfro)

Cynnig bod Cynulliad Cenedlaethol Cymru:

1. Yn nodi'r digwyddiadau diweddar i goffáu D-Day, Diwrnod Lluoedd Arfog y DU a chanmlwyddiant dechrau'r Rhyfel Byd Cyntaf;

2. Yn gwerthfawrogi cyfraniadau milwyr o Gymru, yn ddynion a menywod, ac yn cydnabod yr anawsterau y gallant eu hwynebu ar ôl dychwelyd i fywyd sifil;

3. Yn galw ar Lywodraeth Cymru i sefydlu Cynllun Cerdyn Cyn-filwyr i Gymru i alluogi:

a) ehangu'r cynllun prisiau consesiynol presennol i gynnwys cyn-filwyr

b) mynediad am ddim i byllau nofio awdurdodau lleol i gyn-filwyr

c) mynediad am ddim i safleoedd Cadw i gyn-filwyr

d) blaenoriaeth o ran triniaeth ar gyfer cyflyrau/anafiadau sy'n gysylltiedig â gwasanaeth milwrol ar y GIG

e) blaenoriaeth o ran darparu Grantiau Cyfleusterau i'r Anabl i gyn-filwyr y mae angen addasiadau i'r cartref arnynt.

4. Yn galw ymhellach ar Lywodraeth Cymru i archwilio'r potensial i godi cofeb Gymreig yn yr Ardd Goed Genedlaethol yn Swydd Stafford, i gofio ac anrhydeddu'r holl ddynion a menywod dewr o Gymru a ymladdodd ac a gollodd eu bywydau yn gwasanaethu'r genedl.

Cyflwynwyd y gwelliannau a ganlyn:

Gwelliant 1 – Elin Jones (Ceredigion)

Cynnwys pwynt 3 newydd ac ailrifo yn unol â hynny:

Yn gresynu at y ffaith bod toriadau i fudd-daliadau ar gyfer pobl anabl, gan gynnwys

y dreth ystafell wely, yn effeithio ar gyn-aelodau'r Lluoedd Arfog a'r rhai sy'n gwasanaethu ar hyn o bryd.

Gwelliant 2 – Aled Roberts (Gogledd Cymru)

Cynnwys pwynt 3 newydd ac ailrifo yn unol â hynny:

Yn croesawu'r cyhoeddiad yn Rhaglen Ddeddfwriaethol Llywodraeth y DU am gynigion ar gyfer Bil Cwynion am Wasanaethau, er mwyn gwella'r system gwynion yn y Lluoedd Arfog drwy sefydlu Ombwdsmon ar gyfer milwyr.

Gwelliant 3 – Lesley Griffiths (Wrecsam)

Ym mhwynt 3, dileu 'sefydlu' a rhoi 'ystyried' yn ei le.

Gwelliant 4 – Elin Jones (Ceredigion)

Cynnwys pwynt 4 newydd ac ailrifo yn unol â hynny:

Yn galw ar Lywodraeth Cymru i sicrhau bod y gwasanaeth iechyd yn darparu cefnogaeth ddigonol ar gyfer cyn-aelodau'r lluoedd arfog sydd ag Anhwylder Straen wedi Trawma.

4 Dadl y Ceidwadwyr Cymreig (60 munud)

NDM5535 Paul Davies (Preseli Sir Benfro)

Cynnig bod Cynulliad Cenedlaethol Cymru:

1. Yn nodi bod aelwydydd a busnesau yng Nghymru yn cael llawer o bost heb gyfeiriad nad yw byth yn cael ei agor ac sydd naill ai'n mynd yn syth i'w dirllenwi neu'n cael ei ailgylchu;

2. Yn credu bod hwn yn straen ychwanegol ar:

a) busnesau, sy'n gorfod talu am waredu gwastraff; a

b) awdurdodau lleol, sydd â chyfrifoldeb am gasglu'r gwastraff.

3. Yn pryderu am yr effaith amgylcheddol sy'n niweidiol i'n hadnoddau naturiol, gyda phob tunnell o bost heb gyfeiriad arno yn defnyddio 17 o goed a 7000 galwyn o ddŵr i'w gynhyrchu;

4. Yn nodi ymhellach Ymgyrch Age Cymru 'Sgambiau a Thwyll'.

5. Yn galw ar Lywodraeth Cymru i roi cyhoeddusrwydd i gynlluniau eithrio fel y Gwasanaeth Dewis Derbyn Post.

Mae Ymgyrch 'Sgambiau a Thwyll' Age Cymru ar gael yn:

<http://www.ageuk.org.uk/cymru/get-involved/make-a-donation3/scams-and-swindles/> [Saesneg yn unig]

Cyflwynwyd y gwelliannau a ganlyn:

Gwelliant 1

TYNNWYD YN OL

Gwelliant 2 – Elin Jones (Ceredigion)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i gydweithio ag awdurdodau lleol a'r sector preifat i fabwysiadu biliau a chyfathrebu di-bapur lle bynnag y bo'n bosibl.

Gwelliant 3 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i adolygu'r broses ar gyfer 'Ardaloedd Dim Galw Diwahoddiad', i amddiffyn pobl hŷn rhag masnachwyr twyllodrus diegwyddor a sgambiau ar garreg y drws.

5 Dadl Plaid Cymru (60 munud)

NDM5536 Elin Jones (Ceredigion)

Cynnig bod Cynulliad Cenedlaethol Cymru:

1. Yn dymuno'n dda i dîm Cymru yng Ngemau'r Gymanwlad.
2. Yn nodi pwysigrwydd chwaraeon a gweithgarwch corfforol i iechyd a lles.
3. Yn galw ar Lywodraeth Cymru i:
 - a) sicrhau bod gan bawb fynediad i chwaraeon a gweithgarwch corfforol;
 - b) adolygu effeithiolrwydd addysg gorfforol o ran annog cyfranogi gydol oes mewn chwaraeon a mynd i'r afael â chyfraddau cyfranogi isel ymhlith rhai grwpiau economaidd-gymdeithasol; ac
 - c) gwella'r cysylltiadau rhwng cyrff llywodraethu cenedlaethol, awdurdodau lleol, ysgolion a chlybiau chwaraeon i sicrhau bod arferion hyfforddiant gorau yn cael eu mabwysiadu i gynyddu'r tebygolrwydd y bydd cenedlaethau'r dyfodol yn gallu cystadlu ar y lefel uchaf.

Cyflwynwyd y gwelliannau a ganlyn:

Gwelliant 1 – Aled Roberts (Gogledd Cymru)

Cynnwys pwynt 3 newydd ac ailrifo yn unol â hynny:

Yn credu ei bod yn bwysig bod ffyrdd egnïol o fyw ar gael i bawb.

Gwelliant 2 – Aled Roberts (Gogledd Cymru)

Yn is-bwynt 3b, dileu 'cyfranogi gydol oes mewn chwaraeon' a rhoi 'ymarfer corff gydol oes' yn ei le.

Gwelliant 3 – Aled Roberts (Gogledd Cymru)

Cynnwys is-bwynt newydd ar ddiwedd pwynt 3:

sicrhau bod yr amgylchedd adeiledig wedi'i ddylunio i annog ffyrdd egniol o fyw.

Gwelliant 4 – Paul Davies (Preseli Sir Benfro)

Ychwanegu pwynt newydd ar ddiwedd y cynnig:

Yn croesawu effaith gadarnhaol digwyddiadau chwaraeon ar lefelau cyfranogaeth mewn chwaraeon, megis Pencampwriaethau Athletau Ewrop y Pwyllgor Paralympaidd Rhyngwladol sydd ar fin cael eu cynnal yn Abertawe.

Gwelliant 5 – Paul Davies (Preseli Sir Benfro)

Ychwanegu pwynt newydd ar ddiwedd y cynnig:

Yn cydnabod bod cymryd rhan mewn chwaraeon a hyfforddi chwaraeon yn gyfleoedd i ddefnyddio'r iaith Gymraeg yn y gymuned.

Cyfnod Pleidleisio

6 Dadl Fer (30 munud)

NDM5532 Andrew RT Davies (Canol De Cymru)

UEFA 2020 – Caerdydd, y ddinas berffaith i gynnal y bencampwriaeth

Mae cais Caerdydd i gynnal gemau allweddol ym Mhencampwriaethau Ewrop UEFA yn 2020 yn gyfle i atgyfnerthu lle Cymru ar lwyfan chwaraeon y byd.

Cynhelir Cyfarfod Llawn nesaf y Cynulliad am 13.30, Dydd Mawrth, 1 Gorffennaf 2014